



## Universitätsbibliothek Paderborn

**Lucæ Opalenii. Marsalci Curiæ Regni Poloniæ. Seu  
(Anagrammatice.) Pauli Næoceli De Officiis Libri Tres**

**Opaliński, Łukasz**

**Amsterdami, 1668**

Caput II. Ostenditur quid sit Jus, & quotuplex, & quales esse inter homines  
debeant, recensitæ ejus partes & Species.

[urn:nbn:de:hbz:466:1-46825](#)

122 *Lucæ Opalenskii Officiorum*  
bata. Ideoquè meritò teneri nos hisce vin-  
culis oportet, quæ necessitas invexit, Deus  
probavit, & Juris institutione retinere,  
certo modo, ac ratione injunxit.

## C A P U T I I.

*Ostenditur quid sit Jus, & quotuplex, &*  
*quales esse inter homines debeant, recensit*  
*eius partes & Species.*

*Definitio Juris.* **P**Atet apertè ex antecedenti Tractatio-  
ne, *Jus* ita commodè definiri posse:  
ut fit *Regula conservandæ inter homines Cha-  
ritatis*, seu *Societatis*: idquè post intro-  
ducta in usum ea, quæ ei repugnare vi-  
dentur.

*Origo ab æterna Dei lege.* Hujus Régulæ fons est & origo, *Verum:*  
quod inest Divinitati, velut lex quædam  
*Quæ par-*tim nobis ejusquè rationem, Deus, naturæ rationa-  
*insita.* bili, dum eam crearet, indidit: (alioqui  
rationabilis non esset, si rationis istius ex-  
pers esset:) unde fluxit illa ante peccatum  
nobis insita, & post peccatum non peni-  
tus extincta, Notio, eorum, quæ natu-  
ræ nostræ conveniunt: Exinde verò or-  
tum, quod vocatur *Jus naturale*. Par-  
tim voluntario sancto nobis promulgavit:  
*Partim pro mul-*gata, unde *Jus Divinum*, quod vocant Positi-  
vum.

vum. Cui inest quidem eadem ratio, sed non expressa, & supremi justissimique Conditoris voluntate velut tecta; cui jus est, ita sancire quædam, ut sanciti sui ratio non reddatur. Eiusmodi verò Jus; aut ipsemet dedit Judæis per Moysem, & Nobis in Christo: aut vicariæ suæ potestati reliquit: cui ligandi quidvis, ac solvendi, facultatem concessit: cum ratihabitionis promisso. Unde Jus Ecclesiasticum seu <sup>Partim</sup> ~~constitu-~~  
**Canonicum.** Partim denique permisit <sup>tione hu-</sup>  
 eandem æternam legem exprimere hu-<sup>mana,</sup>  
 mana Constitutione, (quæ ut sit justa, <sup>Dei per-</sup>  
 conformis illi, aut certè nullo modo con-<sup>missu, ex-</sup>  
 traria esse debet:) inde verò est *Jus Hu-*  
*manum.* Quod vel usu, & consuetudine,  
 nationum receptum, *Jus Gentium* nomi-  
 natur: vel legibus cujusque populi seu  
 Civitatis descriptum; *Jus Civile* dicitur.

Totum verò hoc simul sumptum, ali- *Et ali-*  
 quid homini posse, habere, agere, aut *quid ve-*  
*vetat; nempe illicitum:* aut *permittit; nempe mittit;* ju-  
*pe licitum:* aut *præcipit; nempe debitum.* *bet.*  
 Quanquam si propriè loquendum est,  
 quod *vetatur; nefas:* quod *permititur;*  
*fas:* quod *jubetur; jus* est.

Hac origine ac partitione Juris demon-  
 strata, supereft, ut cùm superiori capite  
 ostenderim: quod tria hæc; Potestas nem-  
 pe, Dominium & Obligatio, neceffa-  
 riò quamvis introducta, imo & Divino

F 2                      appro-

approbata edicto , adversatentur tamen Charitati , nisi Jure temperata , & ad certum modum reducta sint ; Superest inquam , ut modus hic circa singulas hasce partes explicetur , deinceps : & ex illo *liciti* , *vetiti* , *jussi* denique . tota ratio , ac regula statuatur. Sit itaque.

## PARS CAPITIS PRIMA.

*De Potestate prima Juris Specie.*

*Necessitas inter homines potestatis ostenditur Regi & regere.* POST sublatam Æqualitatem , quæ ( ut superius ostendi ) in statu corrupto manere non potuit , Potestatem certa ratione constitutam , hominis in hominem fieri  $\alpha\rho\chi\epsilon\nu\eta$   $\alpha\rho\chi\epsilon\sigma\delta\alpha$  necessarium omnino fuit. Causa est : quia nec sine Societate homo sibi sufficiebat , nec Societas retineri potuit , nisi quidam regerent , quidam regerentur. Nam cum & Æqualitas constare non posset ; & omnes imperare malent , quam parere ; non Societas tranquilla , sed certamen continuum fuisset de principatu ; nisi illud , aut natura , aut vis major , aut consensio finivisset. Quæ tria triplicem fecerunt Potestatem. Prima est *naturalis* & *Necessaria* , in Uxorem , problem , ac naturâ , regiminis indigum : Altera *violenter acquisita* , in servos : Tertia esse declarata sponte concessa , & delata imperantibus .  
*Eaque triplex natura.* De singulis consueto compendio dicam.

De

De Potestate Naturali,

POtestatem Naturalem, In Uxorem con-  
fert primum *Jus naturæ*, quod jubet <sup>Potestas  
viri in fæ-</sup>  
præstantiorem sexum, firmiorem, for-  
tioremquè, sequiori, infirmiori, & im-  
becilliori præesse. Idem *Jus Divinum*  
præcipit, dum sub potestate Viri, fæmi-  
nam constituit. *Jus demum humanum*  
& consuetudine, & lege, id implevit.  
Uxorem ergo decet dirigere, sed simul  
& diligere. Nam imperium hoc amoris, <sup>Sed blan-</sup>  
& Charitatis esse debet: nempe erga com- <sup>da ut in</sup>  
parem, thori & vitæ sociam, castam, <sup>compa-</sup>  
probam, viri, liberorum, domus stu-  
diosam, ac sollicitam: *quaे si talis non est,*  
*sæpe vitium ex eo mariti.* Prudens certè, re-  
get eam leni fræno: retinens ac procurans  
maximè concordiam, nempe Matrimo-  
nii, & ornamentum: & suave ac unicum  
condimentum. Qui verò magni hujus *Quod do-*  
Sacramenti status, conditio, obligatio, <sup>cebunt</sup>  
*quaे conjugales leges, quamvis hoc loco* <sup>Matri-</sup>  
facilè potuissent recenseri; tamen *quia ges.* <sup>monii le-</sup>  
cuncta hæc, usu tot scriptorum trita,  
& apud eos obvia ubique habes, ideo  
meritò hic, ubi compendio studemus,  
omittenda.

Sequitur verò pars altera Naturalis Po-  
testatis, nempe *in prolem:* quam eadem <sup>Potestas  
Parentū</sup>  
natura propter beneficium genituræ, nutritio- <sup>in prolem.</sup>

*nis, educationis parentibus confert: & ob  
authoritatem ætatis ac senii conciliat:  
Deus verò, sub pœna immaturæ mortis  
præcipit: *Fus denique humanum ubique  
gentium retinet: Legibus verò olim Ro-  
manis severimè, & ultra morem aliorum  
populorum, Emancipatione ad libitum  
Parentum data, & ante eam, non mino-  
re eorum in prolem, quām in servos po-  
testate.**

*Officium  
filii im-  
puberis.* Sed si ad examen rectæ rationis reduci  
res debet, commodè ex Aristotele *tria li-  
berorum tempora*, vir distinxit eruditus.

*Primum tempus est imperfecti judicii, quo  
planè sunt sub herili potestate: dum he-  
res, quoadusque parvulus est, nihil dif-  
fert à servo. Æquum autem, ut qui se  
regere nequit, regatur aliunde: conve-  
nientius verò non potest, quām à Paren-  
te. Secundum tempus Liberorum, cùm  
*Adulti.* jam judicium illis ætate maturuit, non ta-  
men sunt extra familiam. Tum subesse,  
debent arbitrio parentum, non aliæ eo-  
rum actiones; quām quæ ad familiam  
momentum habent. Convenire enim de-  
bet pars cum ratione integri. Tertium  
*Emanci-  
pati.* tempus, cùm jam extra familiam exeunt:  
tum jam plenè sui juris sunt: manente  
tamen semper honoris & observantiæ de-  
bito, cuius causa perpetua est. Hæc ille.  
Itaque Parentes debent liberis *educa-  
tionem:**

nem: ut nempe quod suscepere, tollant: *Officium*  
(nam exponere aut perimere nefas: quia *Parentis*  
non toti ab illis sumus, alienum autem non *erga filium*.  
licet perdere:) Alimenta præbeant: nam  
frustra tollerent, ni sustentarent. Et de-  
nique, quæ ad bene recteque vivendum  
sunt, procurent, ac prospiciant, memo-  
res, non sibi illos tantum, sed Deo, Fa-  
miliæ, Patriæ genuisse. *Parentibus* verò  
debetur primùm obsequium, & semper  
honor.

Ubi verò iis orbatur proles, eaque im- *Officium*  
matura, & quæ per ætatem tueri se ne- *Tutorum*.  
queat; Et rationis ipsius ductu, & gen-  
tium omnium instituto, locum obtinent  
*Turores*: id est (ut Jurisconsulti derivant)  
pupilli *Tuitores*. Hi aut testamento dan-  
tur: aut proximiori adgnatione obve-  
niunt: aut à supremo Magistratu assig-  
nantur: cum potestate, quam apud Ju-  
risconsultos, unà cum officio descriptam  
habes. Est profectò functio, cum ex-  
actè impletur; eximii sed admodum rari  
meriti.

Pars tertia Naturalis potestatis est in *Potestus*  
eos; quos Aristoteles vocat naturâ Ser- *in servos*  
vos: nempe tali ingenio præditos, ut re- *ingenio*.  
gi ac gubernari necessariò indigeant: &  
(ut cuidam dictum) \* Domino opus ha- \* Etiam  
bent. Talibus ergo ita præesse oportet,  
ut profis. *ad Cura-*  
*tores refertur.*

*De Potestate Acquisitâ.*

*Potestas* *Potestas Acquisita*, fit, prout dixi; vi  
*servitutis* majore. Quæ triplex esse potest. *Pri-*  
*acquisita*. *ma propriæ miseriæ ejus qui necessitatibus*  
*vitæ adeo est destitutus, ut cogatur se tra-*  
*dere alteri ad perpetuam operam, pro*  
*alimento & tegumento. Altera est Pæne*  
*ob delictum capitalis, quæ commutari*  
*poteſt in servitutem. Tertia iuſti belli,*  
*dum hostis victus hac conditione serva-*  
*tur, ut serviat.*

*Oſtendi-* *Eiusmodi verò violentæ potestati repug-*  
*zur eam* *nat quidem natura, si per ſe ſpectetur:*  
*jurinatu-* *nam per illam omnes ſumus liberi: fed*  
*ſ. non re-* *post introductum jus illud, quod ſarcien-*  
*pugnaro.* *dæ ſocietati dixi eſſe neceſſarium, non*  
*repugnat. Nam non vetat naturalis iuſti-*  
*tia pacifici obſequio victum ab eo; qui e-*  
*juſ copiam & dominium habet. Nec ini-*  
*quum, ut egeſtatem evites; præſtabi-*  
*lem navare operam. Deinde cùm tam*  
*ex judicio;* *unde poena: quàm ex bello;*  
*unde captivitas: cùm inquam utrobique,*  
*necis ſumma potestas fit licita;* *(prout id*  
*oſtendam infra & demonstrabo:)* *utique*  
*licita erit minor: quæ eſt, herum eſſe*  
*Nec à ejus; cui vitam concesſeris. Unde patet:*  
*Deo ve-*  
*tari.* *non refragari legem naturæ, violentæ*  
*potestati. Lex verò divina, dum illam*  
*non vetat; permittit. Jus autem huma-*  
*num,*

num, eam auxit: ac longius produxit: *Constitu-*  
*tione hu-*  
*dum ex servo natos, non melioris condi-*  
*tionis voluit: & venundari eos permisit:* *mana au-*  
*& quidquid acquirant, Dominis acqui-*  
*rere decrevit. Isquè rigor excusabilis*  
*exinde: quia & nece minor: & commo-*  
*dior utiliorquè: tam ei, qui jus ejus ha-*  
*bet, quām qui ei subest. Cohibetquè & *Idque**  
*avocat à crebra cæde. Unde & à Christia-* *non iniq;*  
*nis diu retentus, nunc tamen remisit:*  
*vitæ ac necis jure, ad supremam potesta-*  
*tem revocato: & venundatione fere sub-*  
*latâ: ita ut priscæ illius servitutis, pauca*  
*supersint vestigia: nisi fortè in Ethnicis*  
*captivis: & *adscripticiüs colonis: quos cum**  
*terræ possessione vendere licet.*

In tantâ verò Dominorum in Servos *Officio*  
 potestate, aut licentia, est nihilominus, *Dominos*  
 quod illis Domini debeant. Et primum, *teneri er-*  
 ex admonitione Apostoli; *quod justum &*  
*æquum est illis præstare tenemur. Memo-*  
 res, (ut idem ibidem dixit,) & nos esse  
 sub Domino: apud quem non est acceptio  
 personarum, & cui reddenda erit ratio,  
 debitæ, velut in conservos *Charitatis*:  
 quæ nulla inæqualitate exui debet. Cùm *In pœna*  
*magis fortuna nos impares faciat, quām na-*  
*irrogan-*  
*tura. Itaque et si Jus pœnæ in eos habeat.* *da.*  
 mus; tamen non immeritæ, sed ad præ-  
 scriptum regulamquè justitiæ: in privata *Opera*  
 & domestica jurisdictione exercendæ. *imponen-*

F 5      Et si *da.*

Etsi nobis operam debeant; tamen non ultra modum exigendam: nec ejus oneris, *Peculio* cui non sint ferendo. Denique etsi, quid *exigendo*, quid acquirunt, nostra esse possint; tamen quod suâ industriâ ac diligentia, sine fraude peculii paravere; durum & inhumanum est, eripere. In his talibus cogitandum: cùm Dominis in Servos mullibus, nil ta non vetentur: tamen ut homini in hosti inhumane omnia liceant; naturam commanum, munem vetare. Ideoquè meritò, Domini, olim Patres familiæ, Servi, familiares vocati. Partim ut illis invidia, & his contumelia, tolleretur: partim, ut iis nominibus moneremur, cibum eis & vestem, & quæ sunt non modò sustentandæ vitæ, sed etiam tuendæ sanitatis, præstare.

*Officia servorum in Dominos officia, exacto compendio, dixit & docuit Apostolus: erga Dominos.* *Servorum* dum per omnia obedire Dominis jussit: & non ad oculum servire, velut hominibus: sed ut Deo: quem nemo fallit. Ut nempe, quidquid faciunt, ex animo faciant, securi retributionis.

### *De Potestate Concessâ.*

*Potestas Concessâ, nempe summi Imperii, explicanda restat: quam ad societatem iustitiae concessâ, retinendam necessariam esse certum est. seu civi. Etenim quemadmodum singulos homines,*

nes, in Familiam, natura & Jus redegit: ita singulas familias, in Civitatem coalescere, ratio necessariò persuasit. Singulæ namque Familiæ, cùm & ob infirmitatem majori confociatione indigerent; & ob inæqualitatem introductam, sine contentione & dissidio agere non possent; fieri omnino debuit: ut pactione certâ, unum veluti Civitatis corpus efficerent.

Ratio inquam hoc persuasit. Per illam *Quam* namque patet: quòd ea, quæ plura sunt, di- *ipsa ra-* versâ sint: inter multa autem diversa, neceſ- *tio de-* fariò quædam contraria sunt: quæ autem *monstrat.* contraria; sibi adversantur: & se vicissim oppugnant: quæ se autem oppugnant; se mutuò consumunt: & tandem pereunt. *Salus itaque multitudinis est, uniri.* Id verò non fit nisi aut *Charitate*, aut *Imperio*. Illa bonitate quadam consensum efficit: istud verò, eundem (*a*) metu exigit: *continetquè.* Sed quia *Charitas Primitiva*, qualis hic necessaria esset, non potuit (prout ostensum) in statu corrupto haberi; ideo *imperio opus fuit.*

Hanc

(*a*) & (*b*) *Aristocratico in statu, seu populari,*  
*si non numerice, animorum tamen ab unione, &*  
*concordiâ partium, unitas præstatur, eoque*  
*facile, qui regunt, consensu imitantur unitatem.*  
*Prout vero regentum ex consensu, inest, iubendi*  
*authoritas, etiam puniendi habetur potestas. Reſte*  
*Aristo-*

*Et Dti sanctum firmavit.* Hanc à ratione ductam imperii necessitatem, non solum nobis insevit; sed etiam effatu suo, vel suorum, firmam reddidit Deus: dum omnem potestatem à se esse; & illi omnem animam subiectam esse debere; & reddenda imperanti, quæ ei debentur; edixit: præcepitque.

Paruit ergo, & rationi, & duci ejus Deo, genus humanum: dum *imperium detulit*; *vel uni*: *vel Concilio*: *vel Comitiis*. In primo statu, unius iussa valent. In altero, paucorum consultatio ac decisio. In tertio, per suffragia omnium, majoris partis consensio. In singulis verò horum, æquè Jus summi imperii residet. Unde triplex forma Civitatis, quæ vulgo solet assignari: *Monarchia*, nempe, *Aristocracia*, *Democratia*.

*Maxime probatur Monarchia.* Nec prolixè disputare attinet, quæ iliarum sit præstantior. Apertum est illam præferri; quæ facilius efficit, ac præstat (b) unitatem. Hæc enim, ut ostensum: causa est imperii: multitudinis subsisten-

*Aristoteles in politicis.* In republica, quod singuli præstare nequeunt, solent universi, hic suam, alias suam virtutem adfert, omnes utilles sunt: Plures enim, quorum singuli, boni non sunt, si convenient, paucis illis, virtute poterunt esse potiores. non ut singuli, sed ut omnes: sapiunt enim amplius multi, quam unus.

tia

tia: & Spiritus vitalis Civitatis. Ut sit  
igitur unum Reipublicæ corpus; unius  
animo regendum censeo. Nam (c) plures  
ut in unum consentiant; iterum egebunt Cha- Tria per-  
sectuna  
reddunz  
imperiū.

ritate: quam sublatam aut imminutam  
dixi.

Sed non est hujus, quod instituo argu-  
menti, hæc disceptatio. Quæcunque for-  
ma Civitatis; bona: modò probè ac con-  
stanter Jus, Vim, & Facultatem summi  
imperii agnoscat: retineat: atque exer-  
ceat. Hæc tria, inquam, illam consum-  
mant: ac perficiunt: paucis à me expli-  
canda.

Jus summi imperii, est arbitrium in per- Primum  
sonas, res, & actiones Civium: cui nun-  
quam fas est refragari. Societas enim Ci-  
viles, uti dictum est, imperio contine-  
tur: summum autem imperium in eo si-  
tum; ut qui semel se atque sua ei subdide-  
re, semper pareant: & nusquam resistant.  
Quod enim resistere jure potest; majus; Cui nefas  
resistere.

(c) Tamen plures, nisi perfectè se invicem a-  
ment, suam utique amabunt rempublicam, in  
qua ipsi, & sui: Unde pullulat, regendi con-  
cordia, & consensus. Illud vero, non quo modo se-  
verum, quo modo populum, ac bonum commune  
ament, qui regunt, pensatur. Potior autem com-  
modi proprii, quam populi, ut insit amor, sueta  
Monarchiæ nota est, ac nævus: coque, pauci  
Regum boni: Paucis populorum bene.

aut

*Quodra-* aut certè par est : summum autem , si ha-  
*tione pro-* bet par ; non est summum. Ergo non erit  
*batur.* imperium , id est suprema potestas : si ei  
 resistere fas : sed sequetur Æqualitas , &  
 $\alpha\gamma\alpha\chi\alpha$  : quæ non potest , extinctâ , vel  
 imminuta Charitate , prout demonstra-  
 tum est , haberî. Agnoscant igitur : nec  
 obliviscantur unquam , supremi hujusc  
 Juris , tam potestates summæ ; quam qui  
 illis subsunt. Illæ : ne quidpiam ejus per  
 incuriam amittant ; hi : ne quid per pro-  
 terviam imminuant.

Sed si quid (inquieris) palam iniquum aut  
*Impia* si impium jubeas : parebo ? Primum , vide &  
*jubeare.* cave , ne sinistre tale esse opineris. Deinde si  
 verè sit , non facies quidem ; sed tamen pæ-  
*Pœnam* nam potius subibis , quæ oppugnare aut  
*potius* evertere (d) imperium coneris. Mors enim non  
*subeas.* est tanti , ut ejus vitandæ causa , aut tollar-  
 tur Princeps ; (vel magistratus) ; aut quæra-  
*Quam* tur mutatio : quæ semper ingentium malorum  
*imperium* causa est. Tolerare igitur , est viri boni:  
*evertas.* medelam verò , Deo permettere : qui ,  
 cùm dominantibus etiam discolis , parere jus-  
 fit ; jussi sui rationem facile reddet expe-  
 ditam : & quæ videntur mala , ad finem  
 bonum rediget.

(d) Principem puta , Monarchico in statu:  
 in Populari vero , Magistratum , vel Comitorum  
 instituta , quæ summae potestatis locum habent , in  
 omnes .

Vis

Vis seu, ut ita dicam, vigor quidam Vis seu  
imperii, sequitur: qui illud vegetum & vigor im-  
robustum reddit: isquè in consensu obedien- perii in  
tium situs est. Consensus verò hic, et si <sup>consensu</sup> obedien-  
jure debetur summæ potestati; tamen <sup>tium</sup>.  
quia non in arbitrio imperantium, sed  
subditorum residet; animus verò morta-  
lium naturā & origine liber, facile regi-  
men, odit, aversatur, contemnit: ideo  
arte quadam imperitandi opus est: ut lu-  
beat, profit, & denique necesse sit pa-  
rere.

Lubentia parendi paratur: si temperes,  
& moderere *Fus* illud sumnum, in per- <sup>Obtinetur</sup>  
sonas, res, & actiones Civium. Cujus, si lubeat  
ut nunquam (prout monui) oblivisci opor- <sup>parere.</sup>  
tet: ita non nimium meminisse: ne eo abu-  
taris: Id est, nec cum nihil tibi vetari pos-  
se videoas, omnia facere, fas esse putas.  
Abusus enim talis, odiosum reddit imperium:  
Dum sœvities, personis seu vi-  
tæ: avaritia, rebus & fortunis: austertas  
agendi, libertati insidiatur. Quæ quate-  
nus lenitate, beneficentiâ, indulgentiâ, <sup>Non sa-</sup>  
temperanda; ut benevolentiam Civium <sup>vo, ncn</sup>  
conservent; & tamen necessaria supplicia, <sup>avaronon</sup>  
tributa, censuram retineant; sanè accu- <sup>austero</sup>  
ratè Lipsius explicavit. Lubebit ergo pá-  
rere: & odium noxiū summo imperio  
minuetur: si id observes. Sciasquè illud  
dēnum firmum imperium esse, quo obedientes  
gaudent.

Pro-

*Deinde si* Proderit verò etiam , si imperii institu-  
*prosit pa-* ti finis , qui est bonum & commodum  
*rere.* subditorum, rectè expendatur : & ad eum  
 cuncta referantur : sciantquè qui eo po-  
 tiuntur , se non suam rem agere , sed populi.  
 Atque ita Rempub. administrent ; ut ag-  
 noscant omnes , suam omnino salutem  
 curari. Ita , quæ onerosa erunt ; levia , si  
 proficia ; videbuntur. Et ut æger medico ,  
*sic populus parebit imperanti :* utroque salu-  
 tem , et si per dura , quandoque & aspera ,  
 procurante.

*Denique* Sed etsi hæc , summo imperio admo-  
*si necesse* dum proficia sunt : non tamen continent  
*sit parere.* totam vim ejus : nisi adsit vis alia , & ve-  
 ra , quæ invitis etiam necessitatem paren-  
 di afferat : & obedientiæ patientiam in a-  
 nimis efficit subditorum. Id partim inter-  
 nā quādam ratione efficitur ; partim exte-  
 riori modo. Interna velut Vis est , Æstimatio ,  
 & admiratio imperantium : quæ duo , dum  
 imprimuntur mentibus subditorum ; ve-  
 lut cogunt illos obsequi : nempe præstan-  
 toribus : melioribusquæ. Hinc sata majestas ;  
 & ei debita veneratio : id est , vita , & ani-  
 ma principatus. Externa autem propria-  
 què vis est , à metu : qui faciendus omnino :  
 aut , cum interitu potestatis , habendus est .

*Quod ef-* Timeant itaque potius , quam temnant .  
*ficit æsti-* Quod efficiet , ac præstabat , saluberrima  
*matio im-* severitas : quæ pravum ac corruptum ,  
*perantis.* quod

quod sanari non potest, secat ac urit.  
Hanc, ut securè ac tutè exerceas: profe-  
ctò armatis viribus opus est. Opus tamen *Et metus*  
& moderatione: ut *quamvis metuant: ab impe-*  
*non oderint tamen: sed potius ament.* *rante.*

Restat pars tertia, summi imperii: nem- *Facultas*  
pe *Facultas Civitatis gubernandæ: seu gubernā-*  
*administrationis publicæ exercitium.* Istud au- *ditriplex,*  
tem *triplex est: nempe consulere Patriæ: &*  
*consulta effecta reddere: deinde Magistratus*  
*legere: & præmia largiri.* Denique *Judicia*  
sine provocatione exercere: & pænas in-  
fligere.

In consultatione vel *edicta temporaria* *Primum*  
promulgantur: vel perpetuæ sanciuntur *consultationes*. *leges.* Per *edicta*: ordinatur & constitui- *tio in qua*  
tur quid sit è re Reipublicæ, quod pro- *edicta*  
videre ac procurare supremæ incumbit *gantur.*  
Potestati, & huic fini rebus uti potest pri-  
vatorum. Legum condendarum facultas, *Leges*  
itidem summo imperio inest. Non posset sanciun-  
enim illud suo munere fungi, nisi corri- *tur.*  
gendis Civium moribus, & in officio re-  
tinendis, necessaria quædam sanciat, pro  
ingenio populorum, vel temporum exi-  
gentia. Et ni iis quæ sanciverit Cives te-  
neantur. Uti autem potestas suprema à  
Deo, ita *Leges ejus à Lege Divina, & or-* *Multa*  
tum ducere, & ei congruere aut certe non *decernun-*  
adversari debent. *tur.*

In decernendo, maximè eminet, *Beli-*  
*li*

*Principiū li susceptio: indictioquē. Bellum autem de bello est: inter eos, qui non sunt unius Civitatis; nec, *Jus requisiti, reddere volunt;**

*certatio per vim: arbitrio supremæ potestatis suscepta: defendens, repetens, vindicans, quod juris est. Hæc est definitio exacta, puta belli publici, ac solennis,*

*quale ad Concessam, de quā nunc agimus pertinet Potestatem. Cæterū bel-*

*lum publicum, à privato, uti exordium, ita & fas, sumit. Nam cuique ante constitutum Imperum, imò & post*

*constitutum, ubi aut non habetur, aut sera est per Jurisdictionem tuitio; natu-*

*ræ se conservantis instinctu; propriis viri-*

*bus datum, tueri membra primū, & vi-*

*tam: deinde quæ his subserviunt: nostra-*

*quē sunt. Qui ergo ea vi eripere vult; eum ut te defendas, vi repellere; vel ut ablata*

*repetas, vi impetere; vel ut facinus vin-*

*dices, vi affigere licet. Concessis verò e-*

*jusmodi finibus, concedi & media neces-*

*se est, quæ ducunt ad finem. Media ve-*

*rò belli sunt; trucidare: rapere: captivare.*

*Quæ dictu ipso, fera & immania, peni-*

*tusquē adversa Charitati, permittuntur*

*quidem; quā luri obtinendo subserviunt;*

*sed profecto Christianæ professionis erit,*

*quām maxima integritate, cautione, mode-*

*ratione, ea exercere. Integritatis est; cau-*

*te summa, sam expendere: quæ non modo justa esse*

*debet;*

*Sed cum integrita-*

*te summa, sam expendere: quæ non modo justa esse*

*debet;*

*UNIVERSITÄTS-*

*BIBLIOTHEK*

*PADERBORN*

debet; sed etiam gravis: imò necessaria:  
idquè ad pacem obtinendam. Cautionis; *Cautionis.*  
*temeritatem & spem vanam cohibere:* quam  
cùm avaritia, & ambitus sæpè incitet; an-  
ceps eventus, & inevitabilis calamitas bel-  
li, dissuadet. Postremò: Moderationis; *Moderationis;*  
*temperare furori in cæde: spolio: servitute.* *tione.*  
Hæc de bello,

Ad eandem verò Consultationis facul- *Alia con-*  
tatem, pertinet *tributi indictio.* Cui jus, ab *sultatio-*  
eminenti summi imperii in res Civium, *num ge-*  
dominio. Licitè igitur exigitur: ut sump-  
tus & necessitates publicæ sustineri possint.  
Eiusdem Consultationis est, *fædera sanci-*  
*re: rem nummariam constituere;* edicta de  
rebus variis promulgare: denique *quid-*  
*quid ad curationem Reipub. pertinet, ordi-*  
nare. In hisce omnibus, summum impe-  
rium bono publico provideat: subditi pa-  
rere non graventur.

Facultas altera gubernandæ Civitatis *Facultas*  
est, *Magistratus, munerisquè distributio: altera*  
quæ nec favore cæco, fortuitovè, ut ple- *nempe le-*  
rumque solet, sed prout quis par dignus- *gendi ma-*  
què est, *deferenda:* nec per ambitum, sed *gistratus.*  
*meritis querenda.* Non inquam lucrum,  
quod illis adhæret, captandum: sed mu-  
nus potiùs officiumque quod requirunt,  
implendum. Quæ talia uberiùs explicant,  
qui tractant civilem doctrinam:

Tertia demum, Facultas administrati-  
. onis

*Facultas* onis publicæ est, *Jus dicere*: & reddere.  
*tertia jus* Cùm etenim, nec privata vi *jus repetere*,  
*dicendi*. nisi cessante jurisdictione, licitum esse,  
*Cur soli* demonstratum sit; Nec rerum nostrarum  
*competat* studium, amorque permittat, rectè sta-  
*imperio*. tuere: quid vel nobis debeatur: vel Nos  
teneamur: Ideo *tertio*, qui id decerneret,  
necessariò deferenda, fuit jurisdictione.  
Nulli autem convenientius, quàm supre-  
mæ potestati: cuius est arbitrium, in per-  
sonas, res, & actiones Civium: prout  
ostensum supra est.

*Ea par-*  
*tim red-*  
*dit uni-*  
*cunque*  
*suum.*

Jurisdictione hæc igitur, imperio debita,  
partim reddit & constituit suum cuique:  
*partim punit*. Utriusque modus, est lex:  
quæ prescribit Magistratui, decernendi  
regulam: & formam. Unde benè, *Ma-*  
*gistratus*, *lex loquens* dicitur: *lex verò*, mu-  
*tus Magistratus*. Et actiones quidem, quæ  
suum repetunt restitui, dari, vel repar-  
ri, immensum patent. Sub potestatis ta-  
men, de quâ nunc egimus, & Dominii,  
& obligationis, de quibus deinceps age-  
mus, titulos; facile redigi possent: ni  
alterius id esset argumenti: nempe Juris-  
prudentiæ: quæ hoc ex professo agit.

*Partim*  
*punit.*

De *Pœnis* verò hoc primùm dicam:  
quòd et si videantur Charitati admodum  
contrariæ; non sunt tamen: si finis mo-  
*Finis pœ-*  
*nis.* dusquè earum rectè servetur. *Finis enim*  
*pœnæ*, non est dulcedo & oblectatio, red-  
*diti*

diti per vindictam & ultionem doloris: (quod vitium iræ , & fævitiem esse; cùm de affectibus agerem , demonstravi:) sed est *commodum societatis humanæ*: cui tam *Common interest*, neminem peccare & delinquere; dum *so-*  
*quam toti corpori, singula membra fana cietatis.*  
 esse. Porrò , non tam benè est generi humano , ut sublatâ pœnâ peccandi , licentiam non assumat: Metu ejus, ut plurimum à malo arcetur. Itaque necessariò adhibenda erit. Et primùm , *securitatis Id est se- causâ.* Nam , ut tritum illud afferam ; *curitas.*  
*qui malis parcit, bonis nocet.* Impunita enim malitia , vires & audaciam sumit eadem vel majora patrandi. Deinde , *causâ Exempli:* per quod , dum pœna ad paucos, *Exem- metus pervenit ad omnes:* qui à peccando *plum.* deterret. Postremò , *causâ ipsiusmet qui Ipsiusmet peccavit:* qui pœnâ , aut corrigitur: aut *puniti si corrigi nequit; tollitur: ne pejor fiat.* *bonum,* Tum , inquam , ei puniri expedit: & fæpe *pereuntis interest, perire.* Hi tres fines seu causæ pœnæ sunt.

Ratio verò & Differentia ejusdem , iti- *Fit aut dem triplex.* Aut enim compescit , vires *multâ.* demendo ad nocendum ; quam vocabo *multam:* Aut resipiscentiam & emenda- *Aut ca- tionem procurat;* quæ vocabitur *castiga- stigatio-* *tio.* Aut denique insanabiles & deploratos tollit; quæ *Capitalis dicitur.* Quæ verò cui- *Aut pœque delicto irroganda sit;* lex prout dixi , *na capi- tum tali.*

tum verò *Æquitas* & *imperio* definiet: ut adsit regula, peccatis quæ poenas irrogat æquas. Quod à multis fusè tractatum, meritò hīc omitti potest.

*Clementia tamen suis locis.* Præsertim cùm ad Officium, de quo

hic agimus, non animadversio solùm, sed & *clementia* pertineat: quæ lenitate sæpe præcipuum finem poenæ affequitur nempe emendationem: dum *verecundiam faciens peccandi, suffundit potius sanguinem, quām effundit.* Et profectò, in tanta generis humani ad peccandum proclivitate; temperare severitati; sæpiusquè pœnitentia, quām pœnâ contentum esse; non solum decet: sed etiam necesse est. Præsertim,

cùm ita sint ingenia nostra; *ut multos, cunctis Ju- stitiæ non adver- santur.* *Quæ Ju- tius ignoscens benignitas, faciat meliores.* Neque id repugnat Justitiæ: quæ poenam exigit; non quā poena est; sed quā ad dictos

fines servit. Unde si illi obtineri aliter possunt; hæc condonari licetè potest. Idque etiam post leges institutas: sed à summo imperio, quod est supra leges. Jus enim, seu potius fas, tam Clementiæ, quām pœnæ extremæ, est penes supremam, seu, quam Concessam vocavi, Potestatem:

*Pœna Capitalis non com- petit na- turali po- testati nec acquisitæ.* huic enim soli, vitæ necisquè delatum arbitrium. Nam etsi quidam putent; ubi deest imperium; fas idem, naturali & acquisitæ esse potestati; tamen propria, magisquè competens iis; est pœna com- pescens.

pescens tantum, & castigans: quæ illis integra manet, etiam imperio constituto.

PARS CAPITIS ALTERA.

*De Dominio, Juris altera specie.*

**H**Aec tenus de Potestate. Sequitur vero species altera Juris, nempe *Dominium*.

Quod plenum perfectumque tum demum *Quod sit* est; cum habetur *Jus ad rem*: possessio plenum rei: & denique *usus*: minus plenum; dum *dominio*, aliquid ex istis deest. Porro ostensum est supra, sat puto evidenter: *communitatem rerum*, et si Charitati apprimè convenientem, non potuisse tamen, *corrupto statu generis humani*, commodè retineri: necessariumque fuisse, *proprietatem inducere*.

Etsi enim hæc, communionem societas, *Eius necessitas* distrahere facile potest; admittenda cessitas tamen fuit, ob insufficientiam rerum: cui curâ & industriâ subvenire, necesse erat: ea vero nunquam diligens, nisi propriæ utilitatis causa, fuisset: Nisi itaque Dominium & *Ratione* proprietas sibi consulens foret; indigentia *introducatur* & insufficientia major existeret: exinde ita. vero occasio discordiarum, per vim, sibi necessaria & pauca, quæ suapte proveniunt, rapientis. Ita ratio ipsa naturalis, suasit: & exegit proprietatem. Eandem vero adeo Deus approbavit: ut non modò surripere, *Et à Deo probata*, sed concupiscere etiam rem alienam veterit.

tuerit. Quidquid verò proprietati ineſt,  
ad Charitatem seu societatem retinendam  
*Jus ei*  
*modum*  
*præscribit* incommodi ; id reparat corrigitquè *Jus*:  
*præscribens modum quo Acquirantur ; Ha-*  
*beantur ; & demum Desinant Dominia.*  
De tribus ergo hisce dicendum est singu-  
latim.

*Primum* Acquiritur Dominium , primùm *oc-*  
*in acqui-* cupatione eorum , quæ non sunt occupata.  
*rendo.* Estquè licita talis occupatio, ob datum no-  
bis à Deo Jus , in res omnes inferioris hu-  
*Per occu-* jus mundi , quas subjecit potestati nostræ,  
*pationem* Quisque igitur , eas occupare , & ad usum  
*non occu-* suum convertere , licetè & jure potest. Si  
*patorum.* autem , quæ primus quispiam occupavit ,  
jure acquisivit ; & possedit ; profectò ea  
illi eripere alter , nisi injuriâ , non pote-  
rit. Illicita ergo erit acquisitio rei , semel  
*Quod fit,* occupatæ : ac possessæ . Occupationis ve-  
*contactu* rò ejusmodi , ratio & modus est , ut quod  
*seu appre-* acquirere velis , corpore contingas. Res  
*hensione.* quidem , quæ loco moveri possunt , ma-  
nu apprehendendo : terram verò pedibus  
adeundo : vel limite signando. Unde pa-  
tet : solo animi actu , aut verbis , occu-  
pationem non fieri. Sed infrequens jam  
est modus hic acquirendi : cùm vix  
*Domino ad eorum* inveniantur. Nam & loca , si  
*carentia.* quæ sint inhabitata ; ut montes , sylvæ ,  
campi , à territoriis adsitis , ut plurimum  
usurpantur : & captura ferarum , legibus  
ſæpe ,

sæpe, usque non illicitis vetatur: & thesaurus, ab immemorabili tempore defossus, sæpius per leges non inventorii cedit, sed Domino loci.

Sequitur igitur alter acquirendi modus, *Alter modus ac-*  
*nempe successio: seu hæreditas. Quam na-*  
*tura seu recta ratio, mos gentium, & pa-*  
*ginae sacræ authoritas, assignat soboli:*  
*post fata parentum. Convenientissimum*  
*enim est: ut à quorum propagatione, & ge-*  
*nitura, corpus nacti sumus; ab iis etiam,*  
*quæ ei sunt sustentando, nempe Dominium*  
*rerum, nanciscamur. Ubi autem proles*  
*deest, eadem ratione, citima quoque*  
*adgnatio cognatioquè loco ejus erit. Cæ-*  
*terùm de successione ejus, qui & prole,*  
*& cognatis certis, notisquè careat; inte-*  
*statusquè decedat; infra dicam.*

Tertius modus acquirendi est, à *trans-* *Tertius*  
*latione Dominii, ab eo, qui plenum ejus transla-*  
*jus, & à nullo dependens, habet. Inest tione Dø-*  
*enim facultas alienandi pleno dominio:* *minii.*  
*adeo; ut hæc potissima sit nota proprie-*  
*tatis; posse, quod meum sit, jure trans-*  
*ferre in alium. Translatio verò ista Juris; Id est;*  
*aut gratuita est; in donatione: aut accepto donatio-*  
*rei pretio; in venditione: aut re vel offi-* *ne, vendi-*  
*cio; in commutatione. In omnibus istis* *tione,*  
*dantis & acceptantis voluntas exprimi de-* *commu-*  
*bet: externis, & quo magis irrevocabilis* *tatione.*  
*fit, manentibus signis. Et compos ratio-*

G nis

nis sit oportet, qui Dominium transfert:  
suxque spontis ac potestatis.

*Acquisi-  
tio per te-  
stamentū  
& lega-  
tum.*

Sed adeo hominibus rerum suarum li-  
bera placuit dispositio; ut eam ultra vitam  
quoque extendere voluerint: concessio  
nempe & condito testamento. Quod ita  
potest describi: *ut sit; ultimæ voluntatis,*  
*de rebus morte derelictis dispositio ac testimo-*  
*nium: post mortem demum valiturum: ante*  
*eam verò, possessionem & usum rei lega-*  
*tæ, non eripiens: & testandi aliter, li-*  
*beram relinquens potestatem. Datum hoc*  
*videtur, consensu gentium, velut reme-*  
*dio mortalitatis: cùm (ut Lipsius dixit*  
*bene) solatum fati sit; voluntas ultra fa-*  
*tum. Consensu, inquam, gentium va-*  
*luit: ut prout quisque rem suam legasset;*  
*ita jus esset. Alioqui natura dictat, nos*  
*nihil ultra mortem posse.*

*Ex jure  
gentium.*

Itaque miror: id inter acquisitiones,  
quæ jure gentium fiunt non poní primo  
loco. Cùm magis ad illud referri possit,  
quæ aquitatio; quæ fit jure belli. Ea  
enim naturali etiam nititur æquitate. Nam  
dum damnum vel injuriam repeto; aut  
vindico justo bello; facio id, non modo  
magnâ rerum jacturâ, sed etiam vitæ pe-  
riculo: quod inæstimabile est. Qui igi-  
tur, ad tam extrema me adegit; is pro-  
stenditur. fectò obnoxium se fecit, gravissimæ,  
quæ potest esse, vindicationis. Præser-  
tim,

*Acquisi-  
tio jure  
belli.*

*Quæ non  
iniqua o-  
stenditur.*

tim, si aucta sit, post facto, & progres-  
su belli, injuria. Tum inquam, Jus mi-  
hi confert victoria, in ipsam vitam hostis:  
non modò in res ejus: quæ sanè vitâ longè  
sunt minores. Licitè ergo, illas acqui-  
rere possum justo bello: quod ut natu-  
rali non repugnat juri; ita & ejus mode-  
rati effectus.

Habendi Dominii *modus*, & *Jus*, se-*Modus*  
quitur. In hoc primum est; *securitas pos-* *habendi*  
*sidendi*: quæ nisi omni ratione cauta esset; *Dominii*,  
non posset constare proprietas: infirmum  
foret dominium: gravis ejus custodia.  
Ergo, talis videtur fuisse consensus, pro- *Possessio-*  
prietatem incipientium; tale, ut dixi, *nis securi-*  
*tas*.  
præceptum divinum; ut non modò nefas  
effet, rem alienam concupiscere; surri-  
pere; retinere; sed etiam non indicare  
surreptam: & non efficere, quod fieri  
potest, ut in ejus, cuius est, perveniat  
potestatem. Eòdem quoquè pertinet: re- *Ejus via-*  
stitutio fructus & commodi accepti, ex *latae resti-*  
*usu rei alienæ*. Eòdem refertur, reparatio *tutio ac*  
& refusio damni: culpâ dati: per quam *refusio*.  
Jus habendi violatur: dum possessor, per  
eam, minus suo, habet.

Alterum Jus habendi Dominii, est *Liberè u-*  
*Facultas utendi*. Idquè partim *rem consu-* *tendi fa-*  
*mendo*: partim *fructum ex eâ capiendo*. *cultas*.  
Uterquè usus, pleno competit Dominio.  
ita tamen; ut *abusus* societati noxii meritò

*Sed non vetentur.* Inter quos eminet *usura seu po-*  
*abutendi tuis fœmis:* quod ex illico fructu pecuniae  
*in usura.* percipitur: si nempe illa, infructifera seu  
 ociosa sit: id est, si neque negotiationi,  
 neque emptioni bonorum fructifican-  
 tium, nequè ulli industriae serviat: sed  
*Eius ini-deposita tantum servetur.* Talis si mutuo  
*quitas.* datur; non est cur fructum adferat: imo  
 iniquum: ut cum ipsa sit sterilis, ex indi-  
 gentia proximi, lucrum extorqueat. Nisi  
 forte ratione periculi, aliquid sit licitum,  
*Vti &* exposcere. Ad abusum quoque pertinet:  
*aliorum* rerum, quae præsertim ad victum, avara  
*abusuum.* detentio: idquè ut ingravescat annona.  
 Deinde iniqua venditio, pretium ex pe-  
 nuriâ nimirum augens, & avidè lucrum  
 captans. Denique quidquid est inhonesti  
 & sordidi quæstus. Tertiò ad Jus habendi  
 refertur alienationis potestas: sed de hac  
 dictum supra est.

Porrò etsi tam accuratè cautum sit Pro-  
 prietati & Dominio: tamen non penitus  
 extinctam communitatem, eamquè certis  
*ut vitam* casibus redire; Primùm exinde apparet:  
*serves.* quod in extrema necessitate, ut vitam con-  
 servem, uti re aliena extra controversiam li-  
 ceat. Cum hac tamen cautione; ne plus  
 sumam, quam necesse sit: nec si pari ne-  
 cessitate Dominus tenetur: & denique:  
 cum onere refusionis damni, vel restitu-  
 tionis, dum fieri poterit. Deinde, Civi-  
 tati

tati ut licet rebus privatorum, ob eminens *Idem fas*  
 Dominium, & salutis communis causā. *& Civi-*  
 Quanquam & hīc à Concivibus debetur *tati,*  
 refusio: ut æqualitas onerum sustinendo-  
 rum servetur. Postremò, & ea commu- *Prohibe-*  
 nia esse debent: quæ sine damno, onere, *re usum*  
 & molestiā sunt, dantis, aut permitten- *quorum-*  
 tis: accipienti verò necessaria. Ut ignem, *dam ne-*  
 aquam profluentem, non prohibere: per-  
 mittēre transeundi imò & morandi, in-  
 noxiā facultatem: emendi rem necessā-  
 riā ab eo, qui ejus copiam exuberantem  
 habeat. Et quæ talia solent afferri.

Restat explicandum, quomodo *desi-* *Desinunt*  
*nat Dominium.* Desinit autem: aut *sublato dominia*  
*Dominio:* aut *præscriptione rei derelictæ.* *sublato*  
*Domino* è vivis sublato, qui nullam pro-*domino.*  
 lem, reliquit; nec ullam Cognitionem; *Prolem*  
 nec ulli debet quidpiam aut tenetur; nec *non ha-*  
 denique condidit testamentum; naturali- *bente &*  
 ter res redeunt in eum statum; ac si non *intestato.*  
 essent occupatæ. Nisi igitur lex Civilis  
 aliter constituerit, erunt primò occupan-  
 tis. Cæterū adeo stabilitā rerum suarum *Hereditas*  
 dispositione, ut etiam ultra fata protenda- *talium*  
 tur, conveniens admodum erit, exquire- *vel occu-*  
 re conjecturas ultimæ voluntatis, easquè *pantis.*  
 prout æquitas suadet, adimplere. Si verò  
 improlis quidem, & sine Consanguineis, *Vel credi-*  
 & intestatus decedat: relinquat tamen fa- *torum.*  
 miliam, & debeat, ac teneatur; tum

150 *Lucæ Opalenskii Officiorum*

Creditoribus & obligationi imprimis erit satisfaciendum: servi ad libertatem redibunt: operis merces danda erit. Et sunt:  
**Velfamiliis.** qui inter familiares dividendam Hereditatem censem: cùm famuli sterilibus & qui generatim esse loco liberorum putentur.  
**alogiâ.** Alter modus Dominii Desinentis, est à carent. præscriptione & re derelicta. Derelictio fit: Desinunt dum quis professus est, se rem nolle habere, deinde in censu rerum suarum, dum eam facto præscripti abjecit: dum uti noluit: & utentem non zione & re dereli- interpellavit: dum sciens præfens, nullâ vi aut metu adactus, tacuit: denique amissam recuperare contempset: spem abje- cit: vel, ut recuperaretur; periculo gra- viori, utpote vitæ, se objicere noluit: quod alter studio acquirendi fecit. Præscriptio verò: dum tempus longum in- tervenit: & Circumstantias Derelictionis ac incuriæ palam comprobavit Hæc Do- minium transfert, & rei ab alio acquisicio- nem firmam reddit. Tempus autem Præ- scriptio, pro instituto, varium. Lon- gissimum censetur, quod memoriam pro insti- tuto. excedit. Interest verò societati tranquillæ. Præscriptionem introductam esse: idquæ ad Ejusque certa reddenda Dominia: ad lites & con- necessitas, tiones minuendas: ad stimulandam deniqut rerum suarum curam atque diligentiam.

PARS

PARS CAPITIS TERTIA.

*De Obligatione, Tertia Furis Specie.*

Juris ultima species explicanda supereft: *Juris ultima species explicanda supereft:*  
J nempe Obligatio. Cujus, inter homi- *Obliga-*  
nes necessitatem, non minus quām pote- *tionis in-*  
statis, atq; Dominii, invexit defectus Cha- *ter homi-*  
ritatis. Si hæc enim potuifset integra ma- *næces-*  
nere; alter alterum officio fine ulla flagi- *sitas.*  
tatione præveniret: nihil tanquam debi-  
tum, à fe mutuò exigerent: non obli-  
gatio; sed mutua eſſet Dilectio. Ex illâ  
verò spontanea & benevolâ manafſet bene-  
ficiencia. Præſertim cùm minimè onerosa  
fuifſet, imò vix fuifſet, in abundantia  
rerum, ſuapte provenientium. Sed dilu- *ut quoē*  
to hocce Charitatis, ut ita dicam, gluti- *caritas*  
no; quærendum fuit aliud: quo, cùm *non vin-*  
amore, aut nollemus, aut non poſſemus *ciat.*  
adſtrigi; faltem ex debito ad invicem te-  
neremur. Orta ergo eſt obligatio: non  
modò illa; quæ ex potestate & Dominio  
manat, ſed varia insuper Promifforum: *Fu-* *Promiſ-*  
*ramentorum: Contractuum: quibus velut *sa. Jura-**  
*vinclis vincimur mutuò, & illigamur. *menta.**  
*Horum omnium, fundamentum & basis *contra-**  
*est Fides: de quā primū dicam: & post, *stringat.**  
tres obligationum species explicabo. *Horum*

*Fides, eſt Concordia mentis & verbi: ve-funda-*  
*ra: constans: & efficax. Tria ex definitio-*  
*ne ejus apparent requiſita. Nempe Veritas.* *mentum*  
*Fides.*

*Quæ de-* Imprimis: non tam ea, quæ est; Intel-  
*finitur.* lectus rectè cognitæ rei; sed potius in lo-  
 cutione veracitas: id est, *sermo congruens*  
*menti:* seu *Intellectui:* cui oppositum menda-  
*cium:* seu contra mentem dictio. Exigit

*Ejus ve-* verò: non modò natura verbi; ut cùm sit  
*ritas.* animi imago, verè eum repræsentet; sed  
 etiam commodum Societatis; ita clausum  
 pectus oratione aperire: ut tutò credere

*Constan-* possimus: nec timeamus falli. *Aliud re-*  
*tia.* quisitum fidei, est dicti *Constantia:* ut,  
 quod semel locutus sis, fatearis semper te  
 dixisse: & religio sit; declaratam infi-

*Effectus.* ciari voluntatem. Tertiò, ut dictum ef-  
 fectum reddas: ut, inquam, pondus  
 insit verbis: & *vocem facta sequantur.* Hæ

*Et mira* sunt partes Fidei, quam natura ipsa, ne-  
*in nos vis* scio quomodo nobis unicè commendat,  
 exosofquè prorsus reddit ejus temeratores.  
 Pueros vide: (inquit Lipsius:) mendacium  
 inter prima probra objiciunt: & quanquam  
 levitate quandam assumunt; tamen judi-

*Societati* cii rectitudine damnant. Admiranda pro-  
*nice* fectò Dei providentia: virtutem hanc,  
*proficia.* fine quâ vita & societas stare ægrè possit,  
 animo inferentis: & contrarium ipsi vi-  
 tium, nempe perfidiam, evidenter ut  
 plurimùm punientis. Itaque firmiter re-

*Itaque* tinenda est: velut Sanctissimum humani  
*Sancte* pectoris bonum.

*habenda.* Retinenda autem primò *in Promissis.*  
 Pro-

Promissum verò est; declaratio Volunta- *Et primā*  
tis de futuro: certitudinem faciens adim- *in pro-*  
plendi. Si *gratuitum* est; peccat quidem; *missis.*  
qui ei non satisfacit, nempe mentiendo,  
non tamen facit injuriam: nec reposci  
potest tale promissum; nisi sit solennis  
verborum obligatio: aut testibus firmata *Quia*  
*stipulatio:* aut manentibus signis, nempe *quatenus*  
literis, expressa. Talis enim demum, *obligent.*  
Jus conferre videtur: quia deliberatæ est  
voluntatis: & cujus convinci promissor  
facilè potest. Promissa verò non gratuita;  
& quibus inest *συναλλαγμα* quin obligent, commu-  
indubitatum est. Sed talia, jam *Contra- tatio.*  
Etus erunt: de quibus mox dicam. Cæte- *Eorum-*  
rūm, ut Promissum valeat, requiritur *que re-*  
*usus rationis in promittente.* Deinde, nulla *quisita*  
injusta per vim & metum adactio: facta *ostenditur*  
ab eo, cui promittitur. Injusta inquam:  
Nam quæ justo bello fit, obligat: quæ à  
latrone, invasore, foedifrago, *perjuro;*  
minimè. Tertiò: ut *materia sit* (ut ita  
dicam) *promissibilis*: nempe non illicita:  
nam in tali; scelus esset fides. Tum verò  
in nostra Potestate sita. Nam ultra eam  
non tenemur. Et demum obtenta, *non*  
*per imposturam, aut falsâ causâ.* Eâ enim  
deprehensâ, & cessante, meritò mutatur  
Promissum. Nam fraude & dolo inducti;  
nihil promittunt.

*Jurisjurandi* sequitur obligatio: defi-  
G 5 niturquè;

*Jurisju-  
randi o-  
bligatio.* niturquè : *Affirmatio*, Deum testem con-

*stituens* : & si sciens fallit, vindicem. Magna profectò ejus Auctoritas: quæ Divinitatem & providentiam adstruit: estquè te-

stimonium; animæ, naturaliter, Deum

*Ejus reli-  
gio.* punientem mala, agnoscentis. Unde re-

ligio ejus, meritò, maxima esse debet:

& temeratio non proximo tantùm, sed

Deo etiam, quem testem capis, injuria.

Cavendum ergo: ne assumatur, non mo-

dò in re falsa; sed ne in levi quidem: &

non penitus necessariâ. Dupliciter autem

juratur: nempe, vel afferendo: vel pro-

*Aut est* mittendo. Assertivum Juramentum; ut

*afferendū.* culpatus facti mei, vel proximi, testimoniū

juridicè perhibeam; necessarium

& inevitabile esse debet. Minùs, ut rem

vindicem: & præsertim exigui pretii.

Tum inquam profecto justius est abstine-

*Aut pro-* re. Promissorium, nisi jure exigatur ab

*missoriū.* eo, cuius summè interest, non decipi;

ut plurimū vitandum: studendumquè

vitæ probitate mereri: ut nec juratis cre-

datur: & sit, sermo noster, est, est, non,

non: nam quod ultra hoc est, à vitio est.

*Si adsint* Ut verò validum sit Juramentum; & o-

*requisita* bligans; eadem fere, quæ circa promissa

*validi ju-* dicta sunt, requiruntur. Nempe, ut Ju-

*ramenti.* rans, mentis fit compos: & non fraude

inductus: & ne res illicita, aut impossibi-

lis esse, post præstitum Juramentum

de-

deprehendatur. Praeter hæc, inquam, <sup>sincere &</sup> *Jurandum* <sup>quod iura</sup> est, prout ille, cui jure ac debitè juratur, requirit, <sup>verus ad-</sup> ac intelligit: & quod juraveris; adimplen- <sup>implen-</sup> dum. Sed si ab iniquo hoste, invasore, <sup>dum.</sup> prædone, vi & terrore mortis, compel- <sup>Extortiū</sup> leris ad jurandum; quòd tum fas sit ver- <sup>juramen-</sup> bis ambiguis eludere; & mentem linguæ <sup>tum elu-</sup> non jungere; & arte aliqua jurisjurandi <sup>dere fas.</sup> formulam immutare; probabiliter certè concedi potest. Quanquam laudati <sup>Laudati</sup> illi: qui se putarunt teneri, etiam metu <sup>qui illud</sup> extorto juramento: (in re tamen non il- <sup>in re lici-</sup> licitâ. (Non causâ obligationis erga ini- <sup>ta adim-</sup> plent. quum Exactorem: ) per injuriam enim, nihil sibi ille juris acquirere potuit:) sed advocati testimonii religione.

Tertium genus obligationis est; *Con-Definitus tractus*. Definitur: *Conventio duorum aut contraplurium, quid pro quo sibi tribuens, reciproctus.* *et ut utilitatis causâ.* Contractuum genera *Qui triplicia sunt, quæ in tribus illis formuplex.* lis; *do ut des: do ut facias: facio ut facias:* continentur: Nempe dum res; pro re: vel pro re; opera: vel pro operâ; opera itidem repeatitur. Ad hæc; omnes species Conventionum, tam privatarum quam publicarum, commodè referri possunt. ut *Eius vñ* verò valida sint, eadem ferè requiruntur: *lidas.* quæ de promissis ac Juramentis dicta sunt. Hæc tamen addi solent: primùm in Con-

*Et requi-* tractu do ut des ; ut indicium fiat occulti  
*sta.* vitii : rei furtivæ : malo vel incerto Jure  
 possessæ : servi fugitivi : Tum ut iniquum  
 pretium , ob indigentiam proximi , avarè  
 non exigatur. Quanquam per hoc pecca-  
 ri quidem potest, sed vix Jus vindicationis  
 competere. Nam modus licitationis ; uti  
 & æstimatio ; ab affectu in rem , à tempore  
 à copiâ , pendet. & continuò variabilis est.

Inde Conventio , Æqualitatem rei , cum  
*A licita-* pretio decernit : & si culpa , fraus , dolus  
 ratione , & abest ; jure rescindi non potest. Eadem ra-  
*conven-* tio est, dum intercedit do ut facias: vel fa-  
*tione mu-* cio ut facias. Merces enim , & mutua o-  
*tuâ pen-* pera , aut officium , itidem ex Conven-  
 tione & consensu partium pendet. Etsi  
 ergo Æqualitas , aut certè Proportio , vi-  
 detur requiri in Contractibus ; attamen  
*Ei stan-* profectò standum est , prout convenit ,  
*dū prout* & pactum intercessit , modo : absque do-  
*convenit.* lo malo : & ex fide bona.

*Hæc est*  
*nova sy-*  
*nopsis*  
*Juris.*

Habes novâ hactenus , sed puto non in-  
 commodâ partitione , explicatum com-  
 pendium , & synopsim Juris. Accuratio  
 verò ejus tractatio , etsi ex hisce fontibus  
 facile deduci posset ; tamen non est argu-  
 menti à me instituti. Et sunt , qui hæc  
*Consultò* abundè , & plus satis præstiterunt. Mihi  
*paucis* verò mens fuit , ostendere : quatenus Jus  
*explicata* constitutum , temperet iis , quæ potu-  
 sent penitus charitatem inter homines ex-  
 tin-

tinguere: si prout necessariò introducta fuerunt, ita ad libitum retenta, vel exercita fuissent. Quoniam autem illud ipsum Jus, si strictè nimis sumatur, exigaturquè; longè potest à Charitate abducere; ideo hujus Tractationis meritò ponendum est.

### C A P U T T E R T I U M.

*In quo ostenditur temperamentum summi Fūris per Charitatem. Idquè Admonitione, Consilio, & Exemplo Christi.*

**V**etus enim illud & tritum sermone *Summū proverbiū: summū Jus, summam Jus sum- esse injuriam.* Causa dicti: *Quod tria illa; ma crux, nempe, Potestas, Dominium, & obligatio,* tām largè & copiosè, jure concedantur; ut facillimè eorum specie ac obtentu, extrema multa contra Charitatem committi possint, citra pœnam & vindictam. Pro- *Et causa num autem est genus humanum, indul- dicti ex- gere sibi: & quæ permituntur; velut lau- poniturn,* data ampliare. Hinc leges iniquæ sāpē conditæ: quæ licentiam potius augerent; quām' jus constituerent. Hinc earum Interpretatio prava: hinc consuetudines quæcunque modò inveteratæ pro legibus.

*Exempla hujus licentiae passim sunt. Nam Potestatis abusus ostenditur;* arroganter, & superbè exerceatur; ut qui parent, vix putentur hominum vice. Ge- mit.